

Morning Dogri (NSD) National News Bulletin 07-07-2024

आकाशवाणी

खबरां राजेश कुमार कोला ।

1. विश्व प्रसिद्ध भगवान जगन्नाथ पुरी यात्रा दिक्खने लेई राष्ट्रपति द्रौपदी मुर्मू होर पुरी पुज्जी ।
2. एफएसएसएआई नै डब्बाबंद खाद्य पदार्थों दी पौष्टिकता बारे जानकारी लाजमी तौरा पर मुट्टे अक्खरें च लिखने बारे प्रस्ताह गी मंजूरी दिक्ती ऐ ।
3. तेलंगाना ते आंध्रप्रदेश नै आपूं बिच्चै दे बकाया मुद्दें गी हल्ल करने लेई कमेटियां खडेरने दा फैसला कीता ऐ ।
4. उत्तराखंड च जारी चार धाम यात्रा गी मौसम विभाग आस्सेआ जारी भारी बरखा दी चेतावनी गी दिक्खदे होई अज्ज रोकेआ गेआ ऐ ।
5. जम्मू कश्मीर दे कुलगाम जिले च दऊं टाकरें च इक आतंकी कमांडर सनें चार आतंकवादी मारे गे न ।
6. भारतीय महिला पलोआन विनेश फोगाट नै स्पेन ग्रा प्री च 50 किलोग्राम वर्ग च सुन्ने दा तगमा जित्तेआ ऐ ।

<><><><><><>

President Visit

श्री जगन्नाथ पुरी ओडिशा च अज्ज विश्व प्रसिद्ध रथ गी राष्ट्रपति द्रौपदी मुर्मू होर बी दिक्खगंन । भगवान जगन्नाथ, भगवान बलभद्र, देवी सुभद्रा ते भगवान सुदर्शन हुंदी रथ जात्तरा गी दिक्खने लेई राष्ट्रपति होर कल भुवनेश्वर पुज्जियां । ओडिशा दे राज्यपाल रघुबर दास, मुख्मन्त्री मोहन चरण मांझी ते होरनें ब्हाई अड्डे पर उंदा सोआगत कीता । राष्ट्रपति मुर्मू होरें कल संज्ञां भुवनेश्वर च उत्कलमणि पंडित गोपबन्धूदास हुंदी 96मीं पुन्नतिथि आहले समारोह च हिस्सा लैता । राष्ट्रपति होर भुवनेश्वर च कल ऐतिहासिक उदयगिरी ते खंडगिरी गुफाएं दा दौरा करडन । मगरा उंदा विभूति कानूनगो कॉलेज ऑफ आर्ट्स एंड क्राफ्ट्स ते उत्कल संस्कृति विश्वविद्यालय दे विद्यार्थिं कन्नै मलाटी करने दा बी कार्यक्रम ऐ । अपने ओडीशा दौरे च राष्ट्रपति होर भुवनेश्वर कोल हरिदामादा ग्रांS च ब्रह्मकुमारी अध्यात्मिक केन्द्र दा उद्घाटन करडन ते फही लाईफस्टाईल फॉर सस्टेनेबिलिटी अभियान गी शुरु करडन । मंगलवारें, नमीं दिल्ली परतोने शा पैहले राष्ट्रपति होर राष्ट्रपति विज्ञान, शिक्षा ते शोध संस्था भुवनेश्वर दे 13में स्नातक दीक्षांत समारोह च शामिल होडन ।

<><><><><><>

PM Visit

प्रधानमंत्री नरेन्द्र मोदी होर रूस ते आस्ट्रिया दे त्रऊं दिनें दे दोरे पर कल रवाना होंगन । यात्रा दे पैहले हिस्से च मोदी होर रूस दी राजधानी मास्को च 22में रूस-भारत सलाना शिखर सम्मेलन च हिस्सा लैंगन । मोदी हुंदी एह रूस यात्रा राष्ट्रपति ब्लादिमीर पुतिन हुंदे

खास साददे पर होआरदी ऐ। सम्मेलन च दौनें मुलखें बश्कार व्यापक सरबंधें दी समीक्षा होग ते आपसी हितें सरबंधी बक्ख-बक्ख मुद्दें पर सोच बचार कीता जाग। रूस दा दौरा पूरा करिये मोदी होर मंगलवारें आस्ट्रिया पुज्जगंन। 41 बरें मगरा कुसै भारतीय प्रधानमंत्री दा आस्ट्रिया दा एह पैहला दौरा होग। इस दौरे दरान मोदी होर मास्को ते वियना च रवा'रदे भारतीय मूल दे लोकें कन्ने बी मलाटी करगंन। प्रधानमंत्री हुंदे इस दौरे बारे कल आस्ट्रियाई प्रधानमंत्री कार्ल नेहामर होरें इसी आस्ट्रिया लेई इक मानै आली गल्ल करार दिंदे होई आखेआ जे ओह बड़ी बेसब्री कन्ने मोदी हुंदे उत्थें पुज्जने गी बलगा करदे न।

<><><><><><>

Budget Session

संसद दा बजट सत्र इस म्हीने दी 22 तरीक थमां शुरू होग। पार्लिमानी मामले दे मंत्री किरें रिजिजू होरें इक सोशल मीडिया पोस्ट च दस्सेआ जे बजट सत्र 12 अगस्त तगर चलोग। उनें आखेआ जे केन्द्रीय बजट 2024-25 लोकसभा च 23 जुलाई गी पेश कीता जाग। रिजिजू होरें दस्सेआ जे राष्ट्रपति द्रौपदी मुर्मू होरें बजट सत्र आस्तै दौनें सदनं दा सत्र सद्दने दे केन्द्र सरकार दे प्रस्ताह गी मंजूरी देइ दित्ती ऐ। लगातार त्रीह बारी प्रधानमंत्री बनने परेंत एह नरेन्द्र मोदी हुंदी अगुवाई आली सरकार दा पैहला बजट होग। दौनें सदनें दे सांझे इजलास गी संबोधत करदे होई राष्ट्रपति होरें दोहराया हा जे एह बजट सरकार दी नीतिएं ते भविक्ख दी सोच गी दर्शाने आला बजट होग।

<><><><><><>

FSSAI

भारत दे खाद्य सुरक्षा ते गुणवत्ता प्राधिकरण एफ.एस.एस.ए.आई. नै डब्बाबंद खाद्य पदार्थें च कुल शूगर, नमक ते सैचुरेटेड फैट्स दी मात्रा गी मुट्टे अक्खरें च दस्सने दे इक प्रस्ताऽ गी मंजूरी दित्ती ऐ। खाद्य सुरक्षा ते गुणवत्ता दे लेबल दे लेखन सरबंधी नियम 2020 दा पोषक पदार्थ दी जानकारी प्रदर्शित करने सरबंधी संशोधन गी एफ.एस.एस.ए.आई. दी बैठक च मंजूरी छित्ती गई जेहदी प्रधानता एफ.एस.एस.ए.आई. दे अध्यक्ष अपूर्व चन्द्रा होरें कीती। केन्द्री सेहत मंत्रालय नै दस्सेआ ऐ जे इस संशोधन दा मकसद उपभोक्ताएं गी सशक्त करना ते खाद्य पदार्थें च पेदे तत्वें दी पौष्टिकता बारै जानकारी उपलब्ध कराना ऐ। मंत्रालय मुजब, इस संशोधन दे मसौदें गी सार्वजनिक सुझाऽ ते ऐतराजें लेई रक्खेआ जाहग।

<><><><><><>

Telangana

तेलंगाना ते आंध्र प्रदेश नै आपसी विवाद हल करने आस्तै त्रै स्तरें पर कमेटियां खडेरने दा फैसला कीता ऐ। तेलंगाना दे मुख्मन्त्री ए. रेवंत रेड्डी ते आंध्र प्रदेश दे मुख्मन्त्री एन. चंद्रबाबू नायडू होरें कल संज्ञां हैदराबाद च सब्बनें बकाया मसलें पर विचार कीता ते दौनें राज्यें दे मुख्म सचिवें दी प्रधानता च कमेटी खडेरने दा फैसला कीता। तेलंगाना दे उपमुख्मन्त्री होरें मीडिया गी दस्सेआ जे आंध्र प्रदेश पुर्नगठन कानून 2024 तैहत अनुसूचि 9 ते 10 च दर्ज बक्ख-बक्ख संस्थानें दी संपत्तिएं दी बंड्ड ते दुए बकाया मसलें पर कमेटी फैसला लैग। जेगर एह कमेटी कुसै मसले दा हल नेई करी सकोग तां मंत्रिं दी कमेटी फैसला करोग ते इस स्तर पर कोई विवाद हल नेई होने पर मुख्मन्त्री स्तर पर मुक्कदा हल कड्डेआ जाग। दौनें राज्यें अतिरिक्त पुलस महानिदेशकें दी इक कमेटी बी कायम कीती ऐ जेहडी नशीले पदार्थें दी रोकथाम लेई उपाऽ करोग।

Women Cricket

महिला क्रिकेट च अज्ज संजा चिन्नेई दे एम.ए.चिदंबरम स्टेडियम च भारत ते दक्खन अफ्रीका बश्कार मजूदा 3 टी-20 मैचें दी श्रृंखला दा दूआ मैच संजा 7 बजे खेड्डेआ जाग। पैहले मैच महमान टीम कोला 12 रंजें कन्नै हारी दी भारतीय टीम दी पूरी कोश्ट अज्जे दा मैच जित्तिर्यै श्रृंखला च बरोबरी पर औने दी होग। पैहले मैच च अतरू दक्खन अफ्रीका आस्सेआ भारतीय टीम दे सामने जित्त लेई रखे गेदे 190 रंज दे लक्ष्य दा पिच्छा करदे होई भारतीय टीम 177 रंज गै बनाई सकी ही।

<><><><><><>